

Na osnovu člana 11. Pravilnika o stipendiranju nadarenih učenika i studenata Općine Stari Grad Sarajevo (Službene novine Kantona Sarajevo br. 32/11), Načelnik Općine Stari Grad Sarajevo raspisuje:

JAVNI POZIV

za stipendiranje nadarenih učenika i studenata za školsku/akademsku 2016/17. godinu

Pravo učešća na Javnom pozivu imaju nadareni učenici i studenti koji se nalaze na redovnom školovanju u srednjim i visokoškolskim ustanovama uz ispunjavanje sljedećih uslova:

- da su državljani BiH
- da imaju prebivalište na području Općine Stari Grad Sarajevo duže od 3 godine
- da su u prethodnoj školskoj/akademskoj godini postigli uspjeh u školi, odnosno fakultetu / akademiji i to:
 - učenici srednjih škola sa najmanjom prosječnom ocjenom 4,80
 - studenti fakulteta/akademija i pridruženih članica univerziteta sa najmanjom prosječnom ocjenom 8,50
 - da učenik/student nije stipendista druge institucije

U školskoj 2016/17. godini stipendirat će se:

a) SREDNJE OBRAZOVANJE

- 10 učenika I razreda
- 9 učenika II razreda
- 9 učenika III razreda
- 9 učenika IV razreda

b) VISOKO OBRAZOVANJE

- 10 studenata I godine
- 10 studenata II godine
- 10 studenata III godine
- 10 studenata IV, V i VI godine

Ukoliko iz određenog razreda ili godine studija nema dovoljan broj kandidata koji ispunjavaju kriterije Pravilnika, stipendije će se dodjeljivati učeniku ili studentu sljedećeg višeg razreda ili godine.

Stipendije se dodjeljuju za tekuću školsku/akademsku godinu i isplaćivat će se za devet mjeseci za period septembar - decembar 2016. godine i februar - juni 2017. godine.

Visina mjesečne stipendije za učenike iznosi 80,00 KM, a za studente iznosi 120,00 KM.

Uz prijavu neophodno je priložiti sljedeće dokumente (originale ili ovjerene kopije):

1. Izvod iz matične knjige rođenih
2. Cips – prijava o mjestu prebivališta (ne starija od 6 mjeseci)
3. Kućna lista o broju članova porodičnog domaćinstva
4. Potvrda o upisu kandidata u tekuću školsku/akademsku godinu
5. Svjedočanstvo iz prethodne godine (za učenike)
 - za studente prve godine studija svjedočanstvo završnog razreda srednje škole
 - za studente viših godina potvrda o prosjeku ocjena za prethodnu godinu studija i ovjerena fotokopija svih popunjenih stranica indeksa za studenta
 - dokaz da student ne obnavlja godinu i da se nalazi na redovnom studiju u tekućoj akademskoj godini
6. Dokaz o učešću i postignutim rezultatima na kantonalnom, federalnom, državnom i međunarodnom takmičenju za školsku/akademsku 2015/16 godinu

7. Dokaz o ličnim primanjima za sve članove domaćinstva (zaposleni-ovjereni platna lista za posljednji mjesec; penzioner/invalid-posljednji ček od penzije; nezaposleni-potvrda o nezaposlenosti Biroa za zapošljavanje; učenici/studenti-potvrda o redovnom školovanju...)
8. Dokaz da je učenik/student bez jednog ili oba roditelja (izvod iz matične knjige umrlih)
9. Izjava o odgovornosti (ovjereni od strane nadležnog organa) da kandidat nije ostvario pravo na stipendiju od druge institucije u tekućoj školskoj godini

Dodatni bodovi koji se odnose na nizak porodični standard i otežane uvjete života će se vrednovati samo po jednom osnovu, a koji je povoljniji za aplikanta.

Ukoliko prijavljeni kandidati imaju jednak broj bodova, prednost će imati onaj kandidat koji ima više bodova po osnovu rezultata u učenju.

Svaki učesnik u Javnom pozivu biće pismeno obaviješten o rezultatima izbora najkasnije u roku od 15 dana od dana izbora, a nezadovoljni učesnik u Javnom pozivu može podnijeti prigovor za zaštitu svojih prava Drugostepenoj stručnoj komisiji Općinskog vijeća u roku od osam dana od prijema obavještenja.

Odluka Drugostepene komisije Općinskog vijeća je konačna.

Javni poziv ostaje otvoren 30 dana od dana objave u dnevnim novinama.

Molba/prijava se podnosi obavezno na propisanom obrascu (obrazac se može preuzeti u šalter sali Općine i/ili na web stranici Općine www.starigrad.ba isključivo u zatvorenoj koverti na protokolu Općine ili putem pošte na adresu:

Općina Stari Grad Sarajevo
Služba za obrazovanje, kulturu i sport
(sa naznakom: Javni poziv za stipendiranje nadarenih učenika i studenata,
NE OTVARAJ – OTVARA KOMISIJA)
Ulica Zelenih beretki broj 4
71000 Sarajevo

Nepotpune i neblagovremene prijave neće se uzeti u razmatranje.

Dostavljeni dokumenti moraju biti originali ili ovjerene kopije i iste se neće vraćati kandidatu nakon konkursne procedure.

Sa izabranim kandidatom zaključuje se ugovor o dodjeli stipendije kojim se regulišu međusobna prava i obaveze učenika/studenta i Općine Stari Grad Sarajevo.

Ugovor potpisuje student/učenik, njegov roditelj/staratelj i Načelnik Općine u ime Općine Stari Grad Sarajevo.

Za sve dodatne informacije kandidati se mogu obratiti Službi za obrazovanje, kulturu i sport (sprat VI – kancelarija 610) ili na telefone:

033/282-384
033/282-365

Broj: 15-38-6910/16

NAČELNIK OPĆINE
mr. Ibrahim Hadžibajrić